

誠意伯文集

一
函
十二冊

太師誠意伯劉文成公集卷之十一

芝田令新陽後學萬里續梓齋孫標男宗燦編

歌行

送陳庭學之成都衛照磨任

君不見見岷山導江戒南紀噴雨嘘雲九千里瞿唐劍閣鍵重
關錦城花繞成都市雄藩作屏鎮羌夷列郡五十爪牙之長
夏雪山連太白玄冬熱海蒸坤維

聖皇握符御宸極烟塵不起鯨波息鳳凰麒麟在郊藪川后
嶽靈俱效職籌邊樓上羅俊良况子敏學年方將將軍幕府
曾試用驍驪熟路宜騰驤太艣揚帆泝江水東風漫漫吹蘭

芷綵衣鶴髮對晨昏有酒盈尊甘且旨吾聞岵嶁上與井絡
通風氣隔閼華與戎九夷八蠻濡帝澤廟堂已得攻心策

爲王輔卿郎中題雪灘寒鴈圖

雲茫茫水浪浪松木脫葉無稻糧烏啼鴈叫天蒼涼歲云莫
矣江山長有竹有竹在高岡三株凍折兩復僵小禽悲飛不
能揚蒼梧悠悠隔沅湘欲往從之川無梁願披寒霄見朝陽
勿令噉噉傷我腸

漁樵問荅

樵問漁江湖風波惡何似采薪人無憂茹藜藿漁荅樵山中
何所有未若擢扁舟得魚卽沽酒

題王允章梅花圖

會稽老王拙
且癡能畫梅花稱絕奇
春牕走筆生古怪中有
窈窕傾城姿
人生得閑真是好
得閑不閑惟此老
布袍鬬茸
髮不梳一生
只被梅花惱
天生梅實可和羹
爾梅有花結不
成世間花實
總尤物不如畫
圖終古無枯榮

琴歌贈劉元明

龍門獨樹冰
繭苙空林霜清鳴暗泉
姮娥抱桂寒不眠
離鸞
怨啼風滿天
碧潭殷雷龍起蟄
月落太陰山
鬼泣湘江秋水
一劍明帝子
歸來聞珮聲
扶桑浪翻碣石改
東海魚飛入西
海白雲去盡
天茫茫十二玉樓深夜涼

二鬼

憶昔盤古初開天地時以土爲肉石爲骨水爲血脉天爲皮
崑崙爲頭顱江海爲胃腸嵩嶽爲背脊其外四嶽爲四肢四
肢百體咸定位乃以日月爲兩眼循環照燭三百六十骨節
八萬四千毛竅勿使滯邪發洩生瘡痍兩眼相逐走不歇天
帝愍其勞逸不調生病患申命守以兩鬼名曰結璘與鬱儀
鬱儀手捉三足老鴉腳腳踏火輪蟠九螭咀嚙五色若木英
身上五色光陸離朝發暘谷暮金樞清晨還上扶桑枝揚鞭
驅龍扶海若蒸霞沸浪煎魚龜輝煌焜耀昏幽暗燠煦草木
生芳粦結璘坐在廣寒桂樹根漱嚙桂露芬香菲啖服白兔

所擣之靈藥跳上蟾蜍背脊騎招光弄影蕩雲漢閃奎燦壁
葩花摘手摘桂樹子撒入大海中散與蚌蛤爲珠璣或落巖
谷間化作珣玕琪人拾得喫者胸臆生明翬內外星官各職
職惟有兩鬼兩眼晝夜長相追有物來掩犯兩鬼隨卽揮刀
鉞禁制蝦蟇與老鴉低頭屏氣服役使不敢起意爲奸欺天
帝憐兩鬼暫放兩鬼人間娛一鬼乘白狗走向織女黃姑磯
槌河鼓褰兩旗跳下皇初平牧羊羣烹羊食肉口吻流膏脂
卻入天台山呼龍喚虎聽指麾東巖鑿石取金卵西巖掘土
求瓊巖竄洞書石梁折驚起五百羅漢半夜撥刺衝天飛
一鬼乘白豕從以青羊青兔赤鼠兒便從閣道出西清入少

微浴咸池身騎青田鶴去採青田芝仙都赤城三十六洞主
騎鸞翳鳳來陪隨神魁清唱毛女和長烟裊裊飄熊旂蜚廉
吹笙虎擊筑罔象出舞奔馮夷兩鬼自從天上別別後道路
阻隔不得相聞知忽聞韓山子往來說因依兩鬼各借問始
知相去近不遠何得不相見敘情詞情詞不得敘焉得不
相思相思人間五十年未抵天上五十炊忽然宇宙變差三
六月落雪冰天達鼃鼃上山作窟穴蛇頭生角角有岐鱗魚
掉尾斫折巨鰲脚蓬萊宮倒水沒楣攙搶柱矢爭出逞妖怪
或大如甕盎或長如蜚虵光燦燦形躩躩呌鹿豕呼熊羆煽
吳回翔魑魍天帝左右無扶持蚊蟲蚤蝨蠅蚋蜉蝣蝓血

圖飽肥擾擾不可揮筋節解折兩眼瞋不辨妍與媸兩鬼大
惕傷身如受榜笞便欲相約討藥與天帝鑒先去兩眼翳使
識青黃紅白黑便下天潢天一水洗滌盤古腸胃心腎肝肺
脾卻取女媧所搏黃土塊改換耳目口鼻牙舌眉然後請軒
轅邀伏羲風后力牧老龍吉泰山稽命魯般詔工倕使豐隆
役黔羸礪斧鑿具鑪錡取金蓐收伐材尾箕修理南極北極
樞幹運太陰太陽機檄召皇地示部署獄瀆神受約天皇墀
生鳥必鳳凰勿生鳥與鷗生獸必麒麟勿生豺與狸生鱗必
龍鯉勿生蛇與蠃生甲必龜貝勿生螭與蜺生木必松楠生
草必薺葵勿生鉤吻含毒斷人腸勿生枳棘覃利傷人肌螭

蝗害禾稼必絕其蟪蝼虎狼妨畜牧必遏其孳孽啓廸天下
蠢蠢氓悉蹈禮義尊父師奉事周文公魯仲尼曾子與孔子
思敬習書易禮樂春秋詩履正直屏邪歆引頑嚚入規矩雍
雍熙熙不凍不飢避刑遠罪趨祥祺謀之不能行不意天帝
錯怪恚謂此是我所當爲眇眇末兩鬼何敢越分生思惟嘯
嘯向瞻盲洩漏造此微急詔飛天神王與我提此兩鬼拘囚
之勿使在人寰做出妖怪奇飛天神王得天帝詔立召五百
夜叉帶金繩將鐵網尋踪逐跡莫放兩鬼走逸入嶮巖五百
夜叉箇箇口吐火搜天刮地走不疲吹風放火烈山谷不問
杉栢樛櫟蘭艾蒿芷蘅茅茨燔焱熨灼無餘遺搜到九萬九

千九百九十九
仍幽谷底提住兩鬼眼睛光活如琉璃養在
銀絲鐵柵內衣
以文采食以麋莫教突出籠絡外踏折地軸
傾天維兩鬼亦
自相顧笑但得不寒不餒長樂無憂悲自可
等待天帝息怒
解猜惑依舊天上作伴同遊戲

寄江西黃伯善兄弟

我思美人乃在
洞庭之陽彭蠡之陰衝波亘天三百里離恨
比之應更深揚
瀾咆哮左蠡怒白日慘慘玄猿吟欲往從之
憤余心龍鼉鼉
晚不可以駕風攪攪兮雨滛滛望厭原之飛
烟邈匡廬之高
岑霞標日觀矗南斗石門雙闕撐欹欽虹旌
分翠羽昌容兮
鳳凰舞夜衣兮
茝襟玉笙吹兮
紫鸞音望不

見兮悲莫任江
水湛湛愁楓林西來文魚曾到海願寄筆札
逾兼金

題安仁余氏畱餘堂

君不見石季倫對案方丈皆八珍珊瑚夜光視如土寧知汨
沒同埃塵又不見李贊皇平生鼎食滿萬羊中厨烟火宵未
冷詔書趣使趨南荒金谷名園委蔓草平泉荆棘無人掃榮
華瞬息可奈何空令過者傷懷抱世人積金貽子孫一朝金
盡難復論古來天道有好還君看漢代千公門

送胡季瑋平江監倉

君不見棠谿沙中金又不見龍門山上桐衝波蕩出

石湍漱嚙欹雷
風梓人桃氏不見顧自分委棄蒿櫟同一
清廟作雅樂搜
索絡繹奔垂工飛廉鼓鑄王爾斲熾炭利鑿
相治礪朱絃橫
緼筍簾立鎮圭袞冕齊雍容世間物理有消
息累土自可成
穹隆司倉雖微君莫棄君不見魯叟當年嘗
委吏

弋陽方氏壽康堂

先生築堂依林
臯繞屋杉松浮翠濤烏皮靈壽扶鶴髮項有
千歲雙垂條小
孫踉蹌笄馬戲大孫綵衣花底翺有耳不聆
闐闐音有目不
識簿領曹鸞啼燕語日高起羽觴沉沉浮春
醪君不見非熊
老人釣清渭九十鷹揚亦勞瘁

爲杭州鄭善止題蓬萊山圖

君不見大瀛海中有神嶽如崑崙周遭四城五十里石骨纏
繞扶桑根琪華爛日珠炫夜翠樓玉殿虎守闔鍾山燭龍在
其北兩眼華煜如朝暾仙人東王公掌握天紀弼帝尊長虹
爲轅龍作馬飄然乘風白日在下弱水蕩蕩無力可負芥自
從大禹刻石之後來者寡彼秦之皇其貪如狼而漢之武其
欲如虎樓船萬斛空巍巍欲到不到風掣之徐市蜉蝣身乃
欲邀安期文成五利小豎子羊質彊使蒙羆皮神仙大笑起
濤浪射魚海上夫何爲

壽山福海圖歌

吾聞軒轅之圖乃在大海之中央其不壽者八百歲壽者乃
與天地同久長樓臺縹緲造雲漢赤日繞戶扶桑涼玉泉之
水清以香瑤草之味如瓊漿洪崖有時來環珮聲琅琅鳳凰
自歌鸞自語青蜺連蜺白雲舞淋漓豹髓浮瑤觴瓊鉛金盤
薦麟脯耳聞楚水泣皇英眼見商郊葬彭祖琪華玉樹宵有
光東風入律春茫茫春茫茫樂無極青騅夜夜月中來廣寒
姮娥寄消息

送人分題得鶴山

丁令威乃在崑崙之墟閭風之巔羽衣誤作塵土夢回首人
世三千年空中落日松栢冷苦霧慘慘含悲泉夢隨回颺訪

瓊田紫雞青鴨還相憐
丁令威將奈何野有殢繳隰有網羅
前飛烏鳶後鴛鴦鵝啄腥爭腐聲嘍囉
予懷兮隔烟蘿杳冥冥兮倚長歌
丁令威胡不歸槐江之山連大駟
玉樓金嶂中天開玲瓏碧樹鏘璫
瑰鳳凰有閣鸞有臺君胡爲兮獨蒿
萊丁令威歸去來

寄宋景濂

四首

我思美人乃在仙華之山
山前夜半掛河漢天津兩旗俯可攀
我欲從之阻河關初平不來白
羊死瘦骨蝕盡莓苔頑風沙蕭蕭
隔人間玄霜日夕凋玉顏有鳥有
鳥丁令威側身下上空孤飛女媧
石墜鼇脚折海水散作雲霏霏
山中有奇樹

一華一千秋美人何不折寄我使我歎恨長凝眸深沉洞谷
山鬼集陰氣六月冰霜留嗟哉美人誰與儔明年定約赤松
子與爾羣峰頂上遊
有美一人兮美且仁自我不見兮不知幾春仰玄穹兮睇參
辰爲合爲離兮孰測其因青冥無階兮江海無津風雨茫茫
兮蛟龍怒興安得羽翼兮致我與隣
有美一人兮美且都青霞爲衣兮白雲爲裾被秋蘭兮佩珣
玕泰和與游兮中黃與居瞻望弗及兮芳歲其徂山高水深
兮道阻且紆安得羽翼兮致我與俱

有美一人兮在山中蒼眉黑鬚兮玉雪其容飲沆瀣兮食紫

虹澡石泉兮灑清風
邀初平兮從赤松
超逍遙兮樂無窮
安得羽翼兮致我與同

題謝臯羽傳後

阮籍哭窮途墨翟哭
素絲賈誼上書期寤主
卞和抱玉無人知
人生有情不可塞
謝生慟哭非狂癡
神奔鬼遁天地革
龍魚貓虎三辰黑
黼裳玄衮換瓊裘
鞮唱羌歌滿中國
生也何辜逢此時
有才不用空男兒
伯益丘墟管仲沒
孤根弱植誰扶持
旣不能學申胥
頓首血沾臆
卻具再建荆社稷
又不能學鄒衍
長號徹帝閭
飛霜六月妻燕山
空將淚灑荒岡雨
潸作秋濤撼江浦
右不見杞梁之妻
善哭夫哭得城崩
又何悲